

Evropa i njene institucije



Slična imena –
možete li ih razlikovati?

COUNCIL OF EUROPE



CONSEIL DE L'EUROPE



VIJEĆE EVROPE

Vijeće Evrope je međuvladina organizacija sa sjedištem u Strazburu. Sastoji se od 46 zemalja Evrope, koje predstavljaju više od 700 miliona građana. Uloga mu je da promoviše demokratiju i štiti ljudska prava i vladavinu prava u Evropi.

Komitet ministara je izvršno tijelo Vijeća Evrope za donošenje odluka. Čine ga ministri vanjskih poslova država članica ili njihovi stalni diplomatski predstavnici u Strazburu. Odlučuje o politici Organizacije, odobrava njen budžet i program aktivnosti i nadzire izvršenje presuda Evropskog suda za ljudska prava.

Parlamentarna skupština je raspravno tijelo Vijeća Evrope. Okuplja izabrane predstavnike 46 nacionalnih parlamenata, i do sada je pokrenula mnogobrojne konvencije Organizacije, uključujući Evropsku konvenciju o ljudskim pravima. Sastaje se četiri puta godišnje u Strazburu.

Kongres lokalnih i regionalnih vlasti odgovoran je za snaženje lokalne i regionalne demokratije u 46 država članica Vijeća Evrope. Okuplja 612 izabranih zvaničnika, koji predstavljaju više od 150 000 lokalnih i regionalnih vlasti.

Komesar za ljudska prava je nezavisna institucija u okviru Vijeća Evrope. Uloga komesara je da unapređuje svijest o ljudskim pravima i njihovo poštovanje u 46 država članica Organizacije.

Evropski sud za ljudska prava, sa sjedištem u Strazburu, osigurava usklađenost sa Evropskom konvencijom o ljudskim pravima u 46 država članica. I pojedinci i države mogu slati predmete Sudu. Njegove presude su obavezujuće za dotične države.

Evropska konvencija o ljudskim pravima je međunarodni ugovor Vijeća Evrope usvojen 1950. godine. Njime se jamče osnovna, građanska i politička prava ne samo svim državljanima 46 država članica, već i svakom pojedincu pod njihovom sudskom nadležnošću.

Evropska socijalna povelja je sporazum Vijeća Evrope koji garantuje osnovna socijalna i ekonomska prava. Ona osigurava širok spektar svakodnevnih ljudskih prava povezanih sa zapošljavanjem, stanovanjem, zdravljem, obrazovanjem, socijalnom zaštitom i socijalnom sigurnošću.



EVROPSKA UNIJA

Evropska unija se sastoji od 27 zemalja koje su svoj suverenitet djelimično prenijele na tu organizaciju kako bi joj omogućile da na evropskom nivou donosi demokratske odluke o pitanjima od zajedničkog interesa.

Evropski vijeće čine šefovi država ili vlada država članica i predsjednik Evropske komisije. Ovo tijelo postavlja glavne prioritete Evropske unije.

Vijeće Evropske unije odgovoran je za koordiniranje općih aktivnosti organizacije. Zajedno s Evropskim parlamentom, obavlja zakonodavnu funkciju i usvaja budžet Unije. Čine ga ministri iz relevantnog sektora djelatnosti.

Evropski parlament se sastoji od članova koje biraju građani Evropske unije na direktnim općim izborima. Sjedište mu je u Strazburu. Sastanci komiteta i određene dodatne plenarne sjednice održavaju se u Briselu. Svoja zakonodavna i budžetska ovlaštenja dijeli sa Vijećem Evropske unije.

Evropski komitet regiona je skupština regionalnih i lokalnih predstavnika Evropske unije. Sastoji se od 329 članova, izabranih predstavnika regija i gradova iz 27 zemalja EU.

Evropski komesar je član Evropske komisije, izvršnog tijela Evropske unije. Komisija, čije je sjedište u Briselu, sastoji se od 27 komesara (po jedan po državi članici). Ona predlaže i provodi evropske zakone, upravlja budžetom, nadgleda državne ugovore i osigurava svakodnevno upravljanje Evropskom unijom.

Sud pravde Evropske unije, čije je sjedište u Luksemburgu, osigurava provođenje zakona Evropske unije, a nacionalni sudovi mogu od njega tražiti mišljenje.

Povelja o osnovnim pravima, tekst Evropske unije o ljudskim pravima i osnovnim pravima, usvojena je 2000. godine.

Evropski ekonomski i socijalni komitet predstavlja poslodavce, radnike i organizacije civilnog društva. On pomaže optimizaciju politika i zakonodavstva Evropske unije.

Da li ste znali?

Ujedinjene nacije su 1948. godine usvojile Univerzalnu deklaraciju o ljudskim pravima kako bi na međunarodnom nivou osnažile zaštitu ljudskih prava. Međunarodni sud pravde je pravosudni organ Ujedinjenih nacija. Sjedište mu je u Hagu.



*All references to Kosovo, whether in the territory, institutions or population, are made in accordance with the Security Council Resolution 1244 and without prejudice to the status of Kosovo.

- Države članice Vijeća Evrope
- Države članice Vijeća Evrope i Evropske unije*



Zajednička zastava

Zastavu je 1955. godine odabrao Vijeće Evrope, a kasnije ju je, 1985. godine, usvojila i Evropska unija. Time je ona postala zajednički simbol evropske integracije, a da se pri tom ne odnosi ni na jednu pojedinačnu instituciju.

PREMS 009126

BIH

www.coe.int

Vijeće Evrope je vodeća organizacija za zaštitu ljudskih prava na kontinentu. Sastoji se od 46 država članica, uključujući sve članice Evropske unije. Sve države članice Vijeća Evrope potpisnice su Evropske konvencije o ljudskim pravima, sporazuma koji ima za cilj da zaštiti prava čovjeka, demokratiju i vladavinu prava. Evropski sud za ljudska prava nadgleda primjenu Konvencije u državama članicama.

COUNCIL OF EUROPE



CONSEIL DE L'EUROPE